



屯留縣志目次

第一卷

星野  
晷度附

祥異

沿革

疆域

山川

封建

古蹟

第二卷

城池

公署

學校

書院義學附

祠廟

寺觀

驛傳

兵防

第三卷

田賦

諸隘

課程

鹽法

坊里

鄉甲

風俗

物產附

第四卷

職官

宦績

選舉

徵辟仕進附

科貢

例貢雜職附

第五卷

名賢

忠義孝弟循良文苑武烈附

列女

節婦烈婦貞女烈女

隱逸

流寓

遷徙附

仙釋

方伎

醫學訓科陰陽訓術附

封廕

牌坊

陵墓

漏澤園附

第六卷

藝文上

制勅 記序

第七卷

藝文中

考辨文論贊跋命說  
敬誌銘墓表

第八卷

藝文下

箴歌賦詩

雜記

糾謬

屯留縣志卷八

藝文

箴

父子箴

邑人 孫奇

子孝父心寬斯言誠爲確不患父不慈子賢親自樂父  
母天地心大小無厚薄大舜曰夔夔瞽瞍亦允若

夫婦箴

夫以義爲良婦以順爲正和樂嘉祥來乖戾災禍應舉  
案必齊眉如賓互相敬牝雞一司晨三綱何由正

兄弟箴

兄須愛其弟弟必敬其兄勿以纖毫利傷此骨肉情周  
公賦棠棣田氏感紫荆連枝復同氣婦言甚勿聽

朋友箴

損友敬而遠益友宜相親所交在賢德豈論富與貧君  
子淡如水歲久情愈真小人口似蜜轉眼如讎人

歌

思親歌

府庠 段繼芳  
生

人遇歲時歌且樂我遇歲時心如灼堂上椿萱凌霜凋  
舞衣翩翩爲誰著君不見老萊子行年七十供甘旨憶  
昔我年二十餘雙親棄置歸荒壘茫茫天地亦何寬

熒一身獨無依又不見黃香七歲能扇枕定省晨昏心  
懍懍我生老大猶癡愚曉日紅窗尙酣寢黃卷那堪頌  
蓼莪綠野徒滋愧桑樸父兮父兮甘勤勞教兒讀書衣  
藍袍衣得藍袍自翩翩語言逆意訴且號母兮母兮何  
着戀一時不見撫摩徧少值寒暄心膽戰飲不下兮食  
不咽父母不可還父母恩如天恩愛隨流水抱恨常涓  
涓人生至此悲何益不如生前供朝夕百年此身將奈  
何年年時祀歌哀歌

弔宋烈婦歌

庠生 馮際舜

卓哉宋孀真女郎身後令人悲且傷賦性沉靜貞而良

少年結繭歸東牀同心願比海山長詎知夫夢馳黃梁  
烈婦含淚辦衣裳衣裳辦兮碎其腸幼子呱呱不復顧  
奮然引刃夫柩旁哀哉烈婦豈輕生只留節義振綱常

題邑侯屠公清操歌

庠生

霍昱

頌鏡明不罰紙歌袖風不飲水價不虧賈安肆野不擾  
氓慰止禁火耗守懷紀聖荒田給牛將課士子優有禮  
催科之中寓撫字父母如此樂君子

賦

羿射九烏賦

周鍼

伊祁氏之有天下也十日並出或謂堯舜不惟差乎歷

象抑亦紊乎覆載留一陽永昭俾九日潛浪弄操弓而  
進拔矢而前曰彼赫赫綿綿如珠之連爍我下土暨我  
上蒼今當盡臣術之微妙協君德之昭宣於是和容體  
正審顧心虔張六鈞之在手期九鳥之應弦弓旣無雙  
矢惟用九一發而弦上霆激再發而空中雷吼三發而  
震乾坤四發而輝流星斗五發六發而燦燦霞散七  
發八發而離離電走九發皆中訝妖氛之忽無一曜高  
懸望邪明而何有蓋帝所惡天所嫌始騰凌而翕施倏  
擗搥而殄殲貫忘歸而自消難彰變化落園陵而盡死  
永契沉潛瑞景將明彤弓尙殷百辟仰觀乎黃道瓢光

下燭乎清晝莫不由藝之就神之授混濁滅而平權衡  
晷運正而分刻漏然後職義和之任司掌御之圖位寅  
賓於東極宅昧谷於西隅故得萬國謳歌仰覩重輪之  
日九天寥亮長飛三足之鳥則知道潛會而發必中神  
自通而何再控竟四海而弓罷張亘萬古而誰敢當設  
使堯德不聖羿授不臧則蒼蒼茫茫終亂紀綱又安得  
廓六合定三光故曰天無二日民無二王

耕讀賦

邑人 路王道

世間惟有耕與學耕學二藝俱無錯耕者榮身得富豪  
學者如意生鱗角學問耕只恁苦渾身污穢沾泥土冬

月之時披霜雪夏間遇霧當風雨耕者答吾辛勤鋤頭  
柄上出黃金你看富豪多積蓄盡是當年勤耕人耕問  
學只恁坐田園荒蕪隨時過晝間忘食夜忘眠溫習經  
史研日課學者答非容易筆頭雖小驚天地你看王侯  
宰相家盡是當年勤學藝耕可憐學可愛耕學二藝規  
以大耕也好學也好不耕不學終煩惱若是勤耕更勤  
學廕子封妻光祖考

蜘蛛賦

有序

邑人

暴子溫

蠶之有絲所以利人蛛之有絲止以爲己利人者不  
顧殺身爲己者必至損物其勢然也但張羅設機巧

害生靈仁人之所惡也是以荆楚之哲人罾網而解  
印綬臨淮之小吏託蛛以諷上官誠畏之也誠畏之  
也余愧無文句俚義疏然嫉惡之心不能自己感而  
賦之其詞曰

蠢爾秋蟲實繁厥族種類不同難以盡錄長跼者得蟪  
母之稱赤斑者有絡婦之目乃人見之而有喜未必信  
若著龜物遭之而成凶何其狠如蛇蝮觀飛走之羣生  
需飲食以自育雖享用之各殊豈盡假於殺戮惟爾稱  
貪所啖惟肉羨賦性之甚巧恨用意之太毒常雄據夫  
一方誇絲綸之滿腹逞匠心以獨運弄機械而甚熟

杼柚於不御遂組織而成幅善憑空而結撰思漫天而  
構獄一縱一橫一往一復條理不亂經緯整肅行不踈  
而不密形如輪而如幅或當戶牖或依牆屋張一面以  
自贍占中央而蹲伏撙之則就死地過者爲所擒服幸  
宇宙之甚寬胡往來之多觸旣陷身於網羅無所用其  
禱祝翅屢奮而思脫聲悲酸而若哭知倒懸之莫援求  
誅絕而不速悲覆轍之相尋慟走死之如驚竟絡繹而  
來投乃頃刻而成簇將一網之打盡填難壓之溝瀆爾  
乃以逸待勞卧而得福恣其所取順其所欲細者可狎  
囁之如泥巨者難馴捲之成束上下奔騰如履平陸能

自結而自解使既斷而復續道所願之既諧乃餓殍而  
退縮念有生之多艱爲飢餓所迫蹙胥日夜而奔忙誰  
安居而食祿君不見鷹隼之攫拏類弋人之用鏃狼虎  
之追捕同楚漢之逐鹿雖奮力以局旋尙難飽其嗜欲  
若智取而術求誠此物之所獨宜乎圖霸晉文見網而  
動其譎詐賣藥王翁持杖而盡爲斥逐

詩

樂府

鮑司隸歌

列異傳云鮑宣子永永子昱三世爲司隸而乘一驄  
馬京師人歌之

鮑氏驄三入司隸再入公馬雖瘦行步工

題逸亭忘形圖三十六韻仿朱梅崖贊杜可權小

照體

邑人暴燿

嵐光掩映遠城市也千章交蔭幽佳址也蕭然齋居安  
汝止也暢於四支中有美也凝眸含神儼顧靚聽得至